

增補葉天士醫案



增補重編 葉天士醫案卷二

(二) 便血

陳三脈左虛瀉。右緩大。尾間痛連脊骨。便後有血。自覺惶惶欲暈。兼之納穀最少。明是中下交損。八脈全虧。早進青囊斑龍丸。峻補玉堂闕元。暮服歸脾膏。涵養營陰。守之經年。形體自固。

鹿茸生切薄另研

鹿角霜另研

鹿角膠鹽湯化

柏子仁去油烘乾

熟地九蒸

韭子鹽水浸炒

菟絲子另磨

赤白茯苓蒸

補骨脂胡桃白楊爛蒸一日淨楷炒香

右溶膏煉蜜為丸。每服五錢。用鹽湯送。

鹿茸壯督脈之陽。鹿霜通督脈之氣。鹿膠補腎脈之血。骨脂獨入命門。以收散越陽氣。柏子涼心以益腎。熟地味厚以填腎。韭子菟絲。就少陰以升氣固精。重用茯苓淡滲。本草以陽明本藥。能引諸藥入於至陰之界耳。不用萸味之酸。以酸能柔陰。且不能入脈耳。

胡十上下失血。先瀉血後便。瀉踰月。陰傷液耗。胃納頗安。且無操家之勞。安養閒坐。百日。所謂靜則陰充。

熟地 萸肉 茯神 山藥 五味 龍骨



程^二脈數能食。腸紅。陰自下泄。腸腑熱熾所致。非溫補之症。

細生地 丹參 黃柏 黑稽豆皮 地榆炭 柿餅炭 槐花 金石斛

某^三內熱。腸紅發痔。當清陰分熱。

生地 炒丹皮 酒炒黃芩 炒黑槐花 柿餅炭 元參 銀花 黑山梔

汪某嗽血已止。糞中見紅。中焦之熱下移。腸胃屬腑。止血亦屬易事。花甲以外年歲。熱移入下。到底下元衰矣。

細生地 川石斛 柿餅炭 天冬

陳氏脈小。瀉血有二十年。經云。陰絡傷。血內溢。自病起十六載。不得孕育。迷心中痛。墜血下。不論糞前糞後。問脊椎腰尻疲楚。而經水仍至。跗膝常冷。而骨髓熱灼。由陰液損傷。傷及陽不固密。閱頻年服藥。歸芪雜入涼肝。馬是遵古治病。議從奇經升固一法。

鹿茸 鹿角霜 枸杞子 歸身 紫石英 沙苑 生杜仲 炒大茴 補骨

脂 禹餘糧石 蒸餅漿丸

張^三勞力見血。胸背脇肋諸脈。牽掣不和。治在營絡。

人參 歸身 白芍 茯苓 炙草 肉桂

許^{三五}瘀血結在絡。絡反腸胃。而後乃下。此一定之理。平昔勞形奔馳。寒暄飢飽致傷。



苟能安逸身心。痰不復聚。不然。年餘再瘵。不治。

旋覆花 新絳 青葱 桃仁 當歸鬚 柏子仁

宋氏當年腸紅。繼血喉痛。已見陽氣乘絡。絡為氣乘。漸若懷孕者然。氣攻則動。如梭。與胎動迥異。倘加勞怒。必有污濁暴下。推理當如是觀。

柏子仁 澤蘭 卷柏 黑大豆皮 茯苓 大腹皮

陳三賢陰虛。絡中熱。肝風動。腸紅三載不已。左脇及腹不爽。少陽亦逆。多以補中調攝。故未見奏功。姑用疎補。為益臟通腑。

熟地炭 炒當歸 炒查肉 炒地榆 炒丹皮 冬桑葉

又益陰泄陽。四劑血止。但腰痠。腕中痺。咽燥喜涼飲。肝熱若火烙。陽不和平。仍是陰精失涵。用虎潛法。

熟地炭 白芍 當歸 地榆炭 龜膠 知母 黃柏 猪脊髓丸

錢八陰虛內熱。腸紅不止。

炒黑梲根皮 炒生地 炒銀花 炒黑地榆 歸身 生白芍

炒丹皮 茯苓

蔡三脈濡小。食少氣衰。春季便血。大便時結時溏。思春夏陽升。陰弱少攝。東垣益氣之屬。升陽恐陰液更損。議以甘酸固瀉。開明為法。



人參 炒粳米 禹糧石 赤石脂 木瓜 炒烏梅

肛墜便甚。治在脾腎。以脾為攝血之司。腎主攝納之柄故也。晚歸脾去木香。

早六味去丹澤。加五味。芡實。蓮肉。阿膠丸。

沈五酒溼汚血。皆脾腎柔膩主病。當與剛藥。黑地黃丸。

凡脾腎為柔臟。可與剛藥。心肝為剛臟。可受柔藥。不可不知。謙甫治此症。立法以平胃散作主。加桂附乾薑歸芍。重加炒地榆。以收下溼用之神效。即此意也。

吳二腹痛下血。食葶薺豆漿而愈。乃泄肺導溼之藥。既愈以來。復有筋骨痠。寒熱夜卧。口乾。乃溼去氣泄。陽明脈之。不主用事。營衛失度。津液不升之象。天真丸主之。去人參。

支五痔血久下。肌肉痿黃。乃血脫氣餒。漸加喘促浮腫。再延腹脹。便不可為。此症臟陰有寒。臍陽有熱。詳於金匱穀疸篇中。極難調治。

人參 焦木 茯苓 炒菟絲子 廣皮 生益智 木瓜

楊八中年形勞氣餒。陰中之陽不足。且便血已多。以溫養固下。男子有年。下先虛也。

人參 茯苓 歸身 淡菴蓉 補骨脂 巴戟 炒遠志 生精羊肉熬膏丸



服五錢。

吳仁中滿過於消克。便血。食入易滿。是脾胃病。血統於脾。脾健自能統攝。歸脾湯其守。疎脾養臟相宜。

九蒸白朮 南山查 茯苓 廣皮 穀芽 麥芽 薑棗湯法

某二便血如注。面黃脈小。已經三載。當益胃法。

人參_{錢一} 焦朮_{錢三} 茯苓_{錢三} 炙草_{錢五} 木瓜_{錢一} 炮薑_{錢五}

李三上年夏季。絡傷下血。是操持損營。治在心脾。歸脾飴糖丸。

朱某入暮腹痛鳴響。羣丸久已偏墜。春正下血。經月顏色鮮明。此痛決非傷於積聚。

乃營損寒乘。木來侮土。致十四載之纏綿。調營培土以甘。泄木散鬱宜辛。節口戒慾。

百天可效。

人參 炒當歸 炒白芍 肉桂 炮薑 茯苓 炙草 南棗

又細推病情。不但營氣不振。而清陽亦傷。洞泄不已。而辛潤宜減。甘溫宜加。從桂枝。

加桂湯立法。

人參 桂枝 茯苓 生白芍 炙草 肉桂 煨薑 南棗

又仍議理營。

人參 於朮 茯苓 炮薑 桂心 白芍 真武丸二錢。



某便後下血。此遠血也。

焦木半錢

炒白芍半錢

炮薑錢一

炙草五分

木瓜錢一

炒荷葉邊二錢

方某脈小。左數便實下血。乃肝絡熱騰。血不自寧。醫投參芪歸桂。甘辛溫煖。昧於相火寄藏肝膽。火鼓風翔。上蒙清空。真塞頭暈。嗆咳不已。一誤再誤。遺患中厥。夫下虛則上實。陰傷陽浮。此乃一定至理。

連翹心

竹葉心

鮮生地

元參

丹皮

川斛

又下血陰傷走泄。虛陽上升。頭上清竅。參芪木桂。辛甘助上。致鼻塞耳聾。用清上五六日。右脈已小。左仍細數。乃陰虧本象。下愈虛則上愈實。議以滋水制火之方。

生地

元參

天冬

川斛

茯神

炒牛膝

又脈左數。耳聾脇痛。本失水涵養。以致土泛。用補陰丸。

補陰丸五錢

又虎潛丸。羊肉膠丸。

某腸紅粘滯。四年不痊。陰氣致傷。肛墜刺痛。大便不爽。藥難驟功。當以潤劑通腑。

生地

稽豆皮

查肉

麻仁

冬葵子

歸鬚

姚某勞傷下血。絡脈空乏為痛。營衛不主循序流行。而為偏寒偏熱。診脈右空大。左



小促。通補陽明使開閤有序。

歸芪建中湯。

鄭某夏至後。溼熱內蒸。腸風復來。議酸苦法。

川連 黃芩 烏梅肉 生白芍 廣皮 厚朴 荊芥炭 菊花炭 又駐車

丸二錢。

某脈右數。形色蒼黑。體質多熱。復受長夏濕熱內蒸。水穀氣壅。血從便下。法以苦寒。佐以辛溫。薄味經月。可冀病愈。

茅朮 川連 黃芩 厚朴 地榆 槐米

程某年前疲飲哮喘。不得安卧。以辛溫通陽。却飲而愈。知脾陽內弱。運動失職。水穀氣蒸。飲邪由溼而成。溼屬陰。久鬱化熱。熱入絡。血必自下。但體質仍屬陽虛。凡腸紅成方。每多苦寒。若臟連之類。於體未合。毋欲速也。

生於朮 茯苓 澤瀉 地榆炭 桑葉 丹皮

俞某陽虛腸紅洞瀉。議劫胃水。

理中換生茅朮。生厚朴。附子炭。炮薑。

程某脈沉。糞後下血。少年淳朴。得此。乃食物不和。腸絡空隙所滲。與升降法。

茅朮 厚朴 廣皮 炮薑 炙草 升麻 紫胡 地榆

又脈緩濡弱。陽氣不足。過飲溼勝。大便溏滑。似乎不禁。便後血色紅紫。兼有成塊而下。論理是少陰腎臟失司固攝。而陽明胃脈。但開無合矣。從來治腑。以通為補。與治臟補法迥異。先擬煖胃通陽一法。

生茅朮 人參 茯苓 新會皮 厚朴 炮附子 炮薑炭 地榆炭

程一食入不化。飲酒厚味即瀉。而腸血未止。蓋陽微健運失職。酒食氣蒸。濕聚陽鬱。脾陽清陽日陷矣。議用東垣升陽法。

人參 茅朮 廣皮 炙草 生益智 防風 炒升麻

某陽虛體質。食入不化。飲酒厚味即瀉。而腸血未止。蓋陽微健運失職。酒食氣蒸。濕聚脾陽清陽日陷矣。當從謙甫先生法。

人參 乾薑 附子 茅朮 升麻 歸身 白朮 益智

厚朴 茯苓 神 廣皮 炙草 葛根 白芍 益智

地榆 神 益智

右藥各製薑朮湯丸

溫某溼勝中虛便紅

焦朮 炒當歸 炒白芍 炙草 防風根 煨葛根 乾荷葉

劉六鬱怒。腸紅復來。木火乘腑絡。腹中微痛。議與和陰。

冬桑葉 丹皮 生白芍 黑山梔 廣皮 乾荷葉邊 生穀芽

張某二年前衝氣入脫。有形痛嘔。其前後有血。此屬厥陽擾絡。風動內燔。頭顱皆眩。痛。每日用龍會丸。

葉某嘔怒動肝。絡血乃下。按之痛減。為虛。夫肝木上升。必犯胃口。透脈欲嘔。清陽下陷。門戶失藏。致裏急便血。參朮炮薑辛甘溫煖。乃太陰脾藥。焉能和及肝胃。丹溪云。上升之氣。自肝而出。自覺冷者。非真冷也。

駐車丸 二錢

程四少陽絡病。必犯太陰。脾陽衰微。中焦痞結。色痿加痒。便後有血。論脾乃柔臟。非剛不能甦陽。欲驚動致病。溫燥難投。議補土泄木方法。

人參 當歸 枳實汁 炒半夏 桑葉 丹皮 參歸養脾之營 枳半通陽明

之滯。桑丹泄少陽之鬱。

下血不已。汗出躁煩。心悸恍惚。頭不安枕。轉側不能。兩脈虛濡。虛為氣虛。濡為陰傷。人身陽根於陰。陰附于陽。兩相維繫者也。今陰血暴亡。虛陽無偶。勢必外越矣。虛陽外越。而陰愈無主。其能內固乎。陰陽相離。氣血兩虧。法宜兼補。然血有形。難以驟致。氣無形。可以急固。固其氣則氣自充。氣充則不必治血。而血自守矣。先用歸脾湯。繼以大造丸。



人參 白朮 茯苓 棗仁 黃芪 龍眼肉 當歸 遠志 木香 甘草

生薑 大棗

寒熱如瘧。便血不已。左脇有塊。攻逆不已。而作痛。脈弦數兼滑。弦則為風。數則為熱。滑則氣結。此肝脾之氣悒鬱不宣。胸中陽和抑而成火。故神明不清。肝之應為風。肝氣動則風從之。故表見寒熱也。人身左半。肝腎主之。肝風自逆。故左脇攻楚有塊也。肝為藏之地。肝傷則血不守。且以風淫熱勝。蓋為亡血之由也。

生首烏 黃連 柴胡 黃芩 知母 枳實 厚朴

下血既久。真陰大損。臨晚熾熱而咳。乃陽失潛伏。宜甘酸益陰為治。

熟地炭 甘草 萸肉 山藥 五味 茯苓 芡實 木瓜

患溺血症。已三月矣。前用升補法不應。右脈滑無神。左關獨弦。莖中作痛。下多血塊。形色憔悴。又多暖氣。據脈論症。乃肝脾積熱也。肝熱則陰火不寧。而陰血自動。以血為肝臟所藏。為三焦之火。又寄養於肝也。故溺血莖中作痛。脾熱則濕氣內壅。而生氣不伸。以脾為濕土之化。而三焦之氣。又運行於脾也。故時時暖氣。形色憔悴。法當益肝之陰。則火自平。利脾之濕。則氣自和。

生地 白芍 蘆薈 丹皮 甘草 車前

繼用逍遙散。加車前。

穉年瀉血。是飲食不調。熱蒸於絡。為腸胃之病。肛痔亦由濕熱內蒸而致。熱甚則陰液不充。風熱上升。故乾噎。法當與甘寒之劑。俾金水同出一源。況肺熱必移大腸。腎開竅於二陰也。

鮮生地 地骨皮 麥門冬 金銀花 稽豆皮 肥知母

傷寒蓄血。都是邪入於裏。內經謂陰絡傷。血乃下溢。陰為臟病。陰氣從下走泄。陽氣失戀上冒。遂令神識昏狂。乃脫症也。況在立冬大節之交。關閱醫藥。今朝所服。猶是菟防菖根。前此柴防服之。屢屢身中陰陽遭此魔障。劫盡焉有安逸之理。雖急急收拾散越。恐未穩返耳。

人參 茯神 禹餘糧 木瓜 五味 小麥

(三) 哮喘

徐四宿哮喘廿年。沉痾之病。無奏效之藥。起病由於驚憂受寒。大凡憂必傷肺。寒入背俞。內合肺系。宿邪阻氣阻痰。病發喘不得卧。譬之宵小潛伏里閭。若不行動犯竊。難以強執。雖治當於病發。投以搜逐。而病去必當養正。今中年諒無大害。精神日衰。病加劇矣。腎氣去桂膝。病發時。葶藶大棗湯。或皂莢丸。陳八哮喘不卧。失血後。胸中略爽。葶藶湯加葶藶大棗。
某十哮喘久咳。



桂枝木 杏仁 橘紅 厚朴 炒半夏 炒白芥子

馬^三宿哮喘頻發 真武丸

朱^五宿哮喘遇勞發 小青龍去麻辛加糖炒石膏

王某受寒哮喘痰阻氣不能著枕

川桂枝^{錢一}

茯苓^{錢三}

淡乾薑^{錢一}

五味^{錢一 姜搗同}

杏仁^{半錢}

炙草^{分四}

白芍^{錢一}

卜^{九十}哮喘當暴涼而發診脈左大右平此新邪引動宿邪議遂伏邪飲氣 小青龍法。

伊某先寒後熱不飢不食繼浮腫喘噎俛不能仰仰卧不安古人以先喘後脹治肺先脹後喘治脾今由氣分臃鬱以致水道阻塞大便溏瀉仍不爽利其肺氣不降二腸交阻水穀蒸腐之濕橫趨脈絡腫由漸加豈亂醫可效粗迷大略與高明論證肺位最高主氣為手太陰臟其臟體惡寒惡熱宣辛則通微苦則降若藥氣味重濁直入中下非宣肺方法矣故手經與足經大異當世不分手足經混治者特表及之。

麻黃 杏仁 茯苓 杏仁 甘草

徐^{二四}色痿膝踈陽虛體質平昔喜進膏粱上焦易壅中少運厚味凝聚蒸痰頻年

咳嗽。但內傷失和。薄味自可清肅。醫用早英搜攢。肺傷氣泄。噴嚏不已。而沈錮膠鬲。仍處胸背。募俞之間。玉屏風散之固衛。六君子湯之健脾理痰。多是守劑。不令宣通。獨小青龍湯。微飲以就太陽。初服喘緩。得宣通之意。夫太陽但開。所欠通補陽明一段工夫。不得其間。暫開復痺矣。且喘病之因。在肺為實。在腎為虛。此病細診色脈。是上實下虛。以致耳聾鳴响。治下之法。壯水源以熄內風為主。而胸次清陽少旋。濁痰阻氣妨食。於卧時繼以清肅上中二焦。小劑守常調理。百日圖功。至於接應世務。自宜節省。勿在藥理中也。

熟地

製

黃肉

龜甲心

阿膠

牛膝

茯苓

遠志

五味

磁石

秋石

蜜丸早服

卧時

另服

威喜丸

竹瀝薑汁泛丸

張

三幼年哮喘已愈

上年夏令

勞倦內傷

致病

誤認外感

亂治

其氣泄越

哮喘音啞

勞倦不復

遂致損怯

夫外感之喘

治肺

內傷之喘

治腎

以腎主納氣耳

加減八味丸

每服二錢五分

鹽湯下

六服

胡

六脈沉短氣以息

身動即喘

此下元已虛

腎氣不為收攝

痰飲隨地氣而升

有年

陡然中厥最慮

熟地

淡附子

茯苓

車前

遠志

補骨脂

吳某氣不歸元

喘急跗腫冷汗

足寒面赤

中焦痞結

先議通陽

重

葉天士醫案

卷二

哮喘

哮喘

哮喘

哮喘

哮喘

哮喘



熟附子 茯苓 生薑汁 生白芍

王^九陰虛喘。用鎮攝固納。

熟地 萸肉 阿膠 淡菜膠 山藥 茯苓 湖蓮 芡實

翁^二脈細尺垂。形瘦食少。身動即氣促喘急。大凡氣出不爽。而喘為肺病。客感居多。今動則陽化。由乎陰弱失納。乃吸氣入而為喘。腎病何辭。治法惟以收攝固真。上病當實下焦。宗腎氣方法意。

熟地 萸肉 五味 補骨脂 胡桃肉 牛膝 茯苓 山藥 車前子 蜜

沈^三陰虛陽升。氣不攝納為喘。

熟地 萸肉 五味 海參膠 淡菜膠 茯苓 山藥 芡實 湖蓮肉 紫

胡桃

楊^六老年久嗽。身動即喘。晨起喉舌乾燥。夜則溲溺如淋。此腎液已枯。氣散失納。非病也。衰也。故治喘鮮效。便難乾涸。宗腎惡燥。以辛潤之。

熟地 杞子 牛膝 巴戟肉 紫衣胡桃 青鹽 補骨脂

陳氏咳嗽則暴。身熱汗出。乃陰陽樞紐不固。惟有收攝固元一法。

人參 炙草 五味 紫衣胡桃 熟地 萸肉炭 茯苓 炒山藥

又攝固頗應。

人參 附子 五味 炙黃芪 白朮

某。痰疥疾。致氣喘。咳出血痰。固是肺壅熱氣。今飲食二便如常。行動喘急。與前喘更。分別。緣高年下虛。腎少攝納。元海不固。氣逆上泛。是腫脹之萌。宜未雨綢繆。

六味丸加牛膝。車前。胡桃。

孫某望八大年。因冬溫內侵。遂至痰嗽暮甚。診脈大而動搏。察色形枯汗泄。吸音頗促。似屬痰阻。此乃元海根微。不司藏納。神衰嚶語。陽從汗出。最有昏脫之變。古人老年痰嗽喘症。都從脾腎主治。今溫邪擾攘。上中二焦留熱。雖無溫之理。然攝固下真。以治根本。所謂陽根於陰。豈可不為講究。

熟地炭 胡桃肉 牛膝炭 車前子 雲茯苓 青鉛

某熱熾在心。上下不接。沖逆陡發。偏身麻木。喘促昏冒。腎真不固。肝風妄動。入病湯藥無功。暫以玉真丸主之。

某氣逆咳喘促。

小青龍去桂枝芍草。加杏仁人參。

某氣逆咳喘急。

淡乾薑 人參 半夏 五味 茯苓 細辛

單某瘡毒內攻。所進水穀不化。蒸變濕邪。滯於經隧之間。不能由腸而下。膀胱不利。濁上壅遏。肺氣不降。喘滿不堪著枕。三焦閉塞。漸不可治。議用中滿分消之法。必得小便通利。可以援救。

葶藶 苦杏仁 桑皮 厚朴 猪苓 通草 大腹皮 茯苓皮 澤瀉
汪某脈弦堅。動怒氣衝。喘急不得卧息。此肝升太過。肺降失職。兩足逆冷。入暮為劇。議用仲景越脾法。

又按之左脇衝氣便喘。背上一線寒冷。直貫兩足。明是肝逆挾支飲所致。議用金匱旋覆花湯法。

旋覆花 青葱管 新降 炒半夏

姜某勞煩哮喘。是為氣虛。蓋肺主氣。為出氣之臟。氣出太過。但泄不收。則散越多。喘是喘症之屬虛。故益肺氣。華皆甘。補土母以生子。若上氣散越已久。耳目諸竅之阻。皆清陽不司轉旋之機。不必縷治。

人參建中湯去薑。

沈三晨起未食。喘急多痰。此竟夜不食。胃中虛餒。陽氣交升。中無彈壓。下焦陰傷。已延及胃。難以驟期霍然。

黃精 三角胡麻 炙草 茯苓